

Dèwà She Mɛ Mbì Sɛ Pôl Kœ Lè Tì mòtê

Mè hwæsi

1 ¹Mùn Pôl nɛ ta wu dèwà ton sɛ kɔi. Mùn ni ci-ntwum Yesù Kristò ntwi' se Mvènnswæb yànnâ mùn, à shè mun le mùn ken ðwum ywum sannzi ke nywi nzison ɲkæmɲkæm she nun cie ɲkàli le nun yě fɛ lè ðwum ðye ðyi ðæti lè Yesù Kristò. ²Mwen nyèm Tì mòtê, mùn hwæsâ wù. Ce nyɛ' Mvènnswæb ðon lè Nyeli nyɛ' Yesù Kristò ɲgænnì wù, ðɛ ywɔ' kwènnzì nlim lè wù, ðɛ fɛ tì ku' wù fɔa.

Pôl tã Tì mòtê ñlim nɔ́ she kimnzi ke zwum

³Mùn tã Mvènnswæb osòkò' yili lè ntwi' ywù. Nun ne mùn tã mwumnzì lè ñlim fɔ' wě tã she mè mbibea ðyèm ðɛ ku' nun mwumnzì. Mùn tà nun keli kwan mɛan hwæn, mùn ðɔa tì nun lè jin swù kpòn lè nywɔ'. ⁴Mùn tã tòn, mùn ðùn kwan se wù kwee ñzwɔnzwɔ' nywɔ' ne mùn wae kèn, li, ñlim ta mun su' ðyi le mùn yen tì wù ðɛ, ðã ñlim lwuka' mùn. ⁵Mùn ðùn tì ku' wě tã she wù tã mwù kě ñzwɔnzwɔ' ke mbyi Yesù nun. Bè nywù Lwùizè ne sete mwù kě ke mbyi màzwùm nun, ðon lè mon nywù Yùnisì. Mùn limmi lwen le wù tã cì mbanmban wě ðon.

⁶Son se ci mùn shè wu le, ða ðwæ' kwen wù lè ñcì she lè ɲkimmɔ' ye Mvènnswæb feâ wù nywɔ' ne mùn sati wù mè fyà' nywi. ⁷Ntwi' se Mvènnswæb fyie kǎn ðwi' m̀p̀ùn nyě ðwi' ðɛ mè ci-yi, son, à fyi ðwi' m̀p̀ùn nyě tã ðwi' kim fɛ, à cì ðwi' yili ðwùlu, ðwi' konndì tì ðɛ mè ci-mbæn nlim.

⁸Ke à si li, ða kì kwènnjin bæ n wù lè ñɔyi shìtákwù ke nywi Nyeli nyɛ' Yesù Kristò, shìkì a bæ n ku' wù lè mùn nɛ ðyi ci-nyɛ nɲè ke ntwi' yon. Son, yili le wù yen vènè' ke ntwi' Ntwum Lwen wě tã she mùn tà ku' yen. Ke nɔ́ ye li, wù yě zwùm tɛli lè ɲkimmɔ' ye Mvènnswæb tã wu fɛ. ⁹Nun ne swæti ðwi', à lon ðwi' le ðwi' ðɛ ðwum ðyon. Á lon kan ðwi' ntwi' se ðwi' ciâ swum lwen ndɔ', son, à lon ðwi' ntwi' se nun ne' ne yili, à kònndì tì ðwi' lwen cì ke kwènnzì nlim shon nun. Lwen màzwùm, à ciâ ðwi' nun

ndikà' ñwé ke nyè Yesù Kristò. ¹⁰À kwàsá bwi' lwen màzwùm jene ke mbèn ye Nyeli nye' Yesù Kristò bènni nun. Ñtwum Lwen yon ye ta bwi' ñlimmi cí le nun, Yesù Kristò, à lêân ywi lè ñkimmò', à lisà' bwi' mbyi nzison she tà ka mlò'. ¹¹Ke ntwi' Ntwum Lwen màzwùm, Mvènnswàb kè mun lè mún be ci-ntwum Yesù, mún she le' shon, mún kòndi ti bwum ywum lisea ke mbyi nyon nun. ¹²Ke ncí ye mún tá ci li, son se ci mún tá vènè' yenni nun. Son, bwæ' tà ka mun kwènni, ntwi' se mún limmi mwum ne mún tá zwùm tèli lè nun, mún limmi lwen le à cinni ñkimmò', à bòn ywum ye nun fe mun fya', a ken wòli ke ñgyin mmlòkà' nun. ¹³Ce kwù kèn shém ke nzæ' le' ye mún be wù shé nun, wù dyi kimmi ke mbyi Yesù nun, wù yili ti bwùlu lè ñkimmò' ye wù cinni ntwi' se wù ni mbæti lè Yesù Kristò. ¹⁴Wù konni lè Ñtwum Lwen ye Mvènnswàb fe wu fya', wù bòn yon lè ñkimmò' Mpùn Nsanmi ne tá tòn ke me nlim nye' nun.

¹⁵Wù limmi wé tà she mè ñgyinni bye ke ñgyò' Àzì nun nzwonnzà mún hwæn. Fijèl bon lè Èrmòjèn bi ke læm shan nun.

¹⁶Nyeli nye' Mvènnswàb lisà' kwènnzi nlim shon lè ðwòn Ònèsifò, ntwi' se nun ne be kìn kwan ndò', à flòsi mún ñlim ke zwum. Á ywò' kan kwènnjin lè mún ne ke nye ñjè. ¹⁷Kwan se nun bènne fe Ròm, à kæbbe mún ñzwonzwò' han à kìn mún cinni. ¹⁸Nyeli nye' Mvènnswàb ywò' kwènnzi nlim lè nun ke ñgyin mmlòkà' nun. Wù limmi ti ku' ñkpa' ye nun kpea mún ke Èfèzè seansean.

Yili le Yesù Kristò kimnzi wù nywi bǎ wù ci she shon

2 ¹Ti lè wù mwen nyèm, yili le Yesù Kristò kimnzi wù lè ñkimmò' ye nun fe wù ntwi' se wù ni mbæti lè nun. ²Ñzæ' le' yém ye wù ywæ, ye mún be shè ke swi' bwum mèan, shè tí ku' yon lè bwum bye wù tá zwùm tèli lè bon, bye woli kim be lisà' ti ku' yon lè bwùlu ndò'.

³Yili le wù yen vènè' ke ntwi' Yesù Kristò, wù fyimnzi son wé suzæn nyé ñywólí. ⁴Mwum ne tá she suzæn shon cí, à yili nun lwusi ci-zwi' nyon ñlim ke zwum, li, à wòli kan kim à ðonni she shon, à ðun ke me le' bwum bye ba mè suzæn nun. ⁵Mbanmbò' ku', mwum ne tá mèli yanni, beshe nun shì mè lwuà meli màzwùm lwinnzi, à wòli kan à yè ðàsì. ⁶Ci-ðyìm ne tá hwum ke ndem nun lè ðyìm, kwan se ji tá pàn, se yili le nun ne seti swum ðyìm màzwùm ji. ⁷Kpasi mwù ke le' se mún tà wu shé se nun, ntwi' se Nyeli nye' Yesù yé ci wù ywòti ywum hwæn.

⁸Ba ñlim fye wù lè Yesù Kristò, nun ne Mvènnswàb yimnze ke nyinnim bwum ywi, à be ti ku' ke mvu bwum mvèn Dàvid nun. Ñtwum Lwen ye mún tá bwum shé yi, yon ye. ⁹Ke ntwi' Ntwum Lwen màzwùm, mún tá vènè' yenni nun, be kpimma' mun lè mè ndu' wé mún ni ci-ncí byebbi ndò'. Son, le'-Nswàb se be kpimma' kan. ¹⁰Li ne ci mún tá ywum hwæn pæ' fyimnzi ke ntwi' bwum bye Mvènnswàb yènnà lè be be bwum byon. Mún yili le bon ku', be cinni mbyi ne Yesù Kristò yé bon swæti nun, bon

ɔ̀n tì ku' ke ntwu Mvènnswàb nun ñg̀yinmbo'. ¹¹Ñzàè' le' ne tòn ne ni ñzàè' le' ñkàm̀nkàm:

Beshe ɓwi' ywi ɓwi' lè nun m̀ban, ɓwi' ye tì ku' ñzison cinni lè nun m̀ban.

¹² Beshe ɓwi' fyimnzi yì vènè' kwan se ɓwi' ta yon yenni, ɓwi' ye ku' lwun sea ɓwi' lè nun.

Beshe ɓwi' ɓyinnò' nun, à yè ku' ɓwi' ɓyinnɔa.

¹³ Beshe ɓwi' shi fe' nun ywoli, nun, à tã ñzàè' le' yon lwinnzi kwan hwæn,

ntwi' se nun wòli kan kim à kwebsi ñwum ke swum se nun lèlâ nun.

Cí she ɓã wù ɓe ñlwen ke me' Mvènnswàb

¹⁴Ñzàè' le' ye ton ye, wù shè yon kwan hwæn lè ɓwum, wù kòndi tì ɓon shè ke swi' Mvènnswàb le ɓa ɓyi ɓi klwikà' mè le' ke ntwi' ñzàè' le' pwìnpwìn. ñklwikà' me le' tà ka kpa' lè swum ndɔ'. A ta fyòn ɓwum ɓye ta ywɔ' mbyi ɓwuli. ¹⁵Kpæm me' ɓã wù lisà' wù ne' ke swi' Mvènnswàb wè mwum ne nun yili, wù ɓe tì ku' ci-she ne tà ka kwènnjin ywo lè she shon, nyè tã Ñtwum lènkàm shè wè tã she se yili. ¹⁶Kesi nywi lè ɓwum ɓye ta ñjè ɓyibɔa shè, ntwi' se ɓwum ɓye ta ñjè màzwùm shè ye yækì ɓon ne' ðunnzɔ' mbyì ke ɓyebbi nun. ¹⁷Ñzàè' le' ye ta ɓon kwean ñwum ye ɓe wè fon ndɔ' se ta gbù' ke nywi mwum. Èmènè ɓon lè Filèt ɓi ke læm ɓwum màzwùm nun. ¹⁸Be kesà kwù lè mbyi lènkàm, ɓe ta shè le mè yìmnì ywi leân nùn. Li, ɓyindɔ' donnzà mbyi Mvènnswàb ke ntwi' nleli yan. ¹⁹Son li, lènkàm Mvènnswàb si kwe kwan hwæn wè mè kwù nye ɓe ðyi cici fɔ' kimmi. Ke me kwù nye màzwùm nun, ɓe kɔ' le: «Nyeli nye' Mvènnswàb limmi ɓwum ɓyon.» Be kòndi tì kɔ' le: «Mwum ne tã shè le nun ni mwum Mvènnswàb, à kesi nywi lè ɓyebbi.»

²⁰A wù ɔ̀n ke nye ci-ñjòndi, wù yè mè peàn cinni kyikyì. Bye ɓe ci lè ñwum lòn m̀an ɓi kwe, ɓye ɓe ɓwem tì ku' lè fyòn ɓi tì ku' kwe. Ke nye m̀bo' màzwùm nun, mè peàn ɓye ɓe pa' lè ñgæ' ɓi tì kòndi kwe. Mè peàn lwukea ta kwan nywɔ' ñgwìn ndwun ndɔ', ɓye fɔ', ɓe ta ji ji nun mè nywɔ' m̀an hwæn. ²¹Mwum ne tã nywi kesi lè ñcì ɓyebbi, à yè ɓe wè peàn nyè ci-nye tã kwannzi nywɔ' ñgwìn, nyè nun pæ', à kè kyì ɓã nun kpa' nun ke me she nlwukea nun.

²²Ba wù kwemmi lè mè ɓyebbi ne mè mbìpàn yili. Kimnzi nywi lè wù ɓe ñsanmi ke swi' Mvènnswàb, wù ke ñlim kwan hwæn ke nywi yon, wù fòsi ɓwùlu yili lwen, wù tòn ke mla' floa nun lè ɓon. Wù yè ywum ton yi cí hwæn li, ɓyin lè ɓwùlu ɓye ta Nyeli nye' Mvènnswàb ɔa lè ñlim fɔ' m̀ban. ²³Ba wù ɔ̀wì zwi' lè mè ncibbi ɔ̀yimi ne ɓwum ɓye ɓa lè kon mwu ta cibbi. Ntwi' se wù limmi le mè ncibbi màzwùm tã kèn mlò' lè ñklwì le'. ²⁴Son, se yili kan le ci-she Nyeli nye' klwikà' le'. Se yili le à ɓe m̀fyùfyu lè ɓwum hwæn, à ɓe tì mwum ne wòli à lisà' ɓwum ywum, à kòndi ɓe

ci-mfyimnzi me le'. ²⁵Ke ñkwu pen nun, à lisà' leñkàm lè ðwum bye ta le' shon byinnɔa, shindɔ' Mvènnswàb yě ci be yonnzi mè nlim nyan bǎ me' weli bon mwu, be limmi mbyi leñkàm. ²⁶Be ye fyòn be bon ne' nun, be nywàli tì ku' gòn se Satèn bæne bon nlim bǎ bon ci swum se nun yili.

Ñgyin ye mmlòkà'

3 ¹Limmi lwen le ñgyò' wan yě be ñkyibli ke mmlòkà' ñgyin nun. ²Ntwi' se ðwum ye be mè ci-ñgem, mè nlim nyan ye su' kèn ke lòn nun. Be ye be mè ci-ntwuli mwu, be ci tì ywum mwù zwô. Be ye jin Mvènnswàb gwànnzi, be ba mè ce byan ywàli. Be ba ðwum osòkò' yili kwan se be ta bon kpea, shìki be yi ku' mè le' Mvènnswàb. ³Be ba ðwum byan yili, shìki be kwennzi ku' ñlim lè ðwum. Be ye ðòbo kènnzi, be be tì mè nlim zwum nyenea, à be tì ñjàli. Be ba ñcǐ lwen yili. ⁴Be ye be mè ci-ñkwàsì ðwulu, be konni kan lè ywum ye bon ta cì, be be tì mè ci-nshela' nywi. Ywum ye ñgyò' wan ye bon yon, a lan Mvènnswàb. ⁵Ke me' zwem, be ye be wě ðwum Mvènnswàb, son, ke me nlim nyan nun, be ye byinnɔ' le ñkimmɔ' Mvènnswàb ci she ke me nlim nyan nun. Kesi nywi lè ðòn pa' ðwum màzwùm.

⁶Byindɔ' lè ðwum ðuàn ke me nye ndɔ' nun lè mè bèb nyan, be pòkèá yì ðyimi me yib ye be kwe. Mè yib màzwùm, byebbi ni bon nywi ñlwinni, be ta su' mwù ké lè ñcǐ ywum ye ta bon ñlim lwukea. ⁷Be ta yili be yusa' ywum kwan hwæn, son, be tà ka mbyi ñlimmi leñkàm cinni. ⁸Ti lè mè ci-mpòka' byan, be tà ka leñkàm Mvènnswàb yili, wě tà she Jànèsi bon lè Jàmblèsi yile kǎn le' Mòizè. Mè mbàkà' mbyibbɔa ne suku' bon mwu. Mmwumnzi Mvènnswàb yan cinni kan m̀kpa'. ⁹Son, be ba tì kènni mbyí, ntwi' mgbòtá' yan ye kwan ke swi' ðwum hwæn, wě tà she se lean ke nywi Jànèsi bon lè Jàmblèsi.

M̀mlòkà' ndeb

¹⁰Ti lè wù, wù ywotá ñlisà' ywum yêm seansean lwen, wù limmi m̀bòki ne kwù kèn shêm ton, wù limmi tì ku' mwù she yêm. Wù limmi wě tà she mùn tá mbyi Mvènnswàb ðwon. Wù limmi tì ku' wě tà she mùn tá ñlim bænni ke me le' nun, mùn kòndi tì ðwum yili. Wù limmi tì ku' m̀bòki ne mùn tá ðyi kimmi ke mbyi Mvènnswàb nun. ¹¹Wù limmi m̀bòki ne ðwum yennze mun vènè', lè m̀bòki ne mùn be vènè' yenni. Wù limmi vènè' se laen mùn nywi ke Àntiyòshì, lè ke Ìkòné, kòndi lè she mùn yenne ke Lisitè. Ywum ye laen mùn ke nywi yi, Nyeli nye' Mvènnswàb nywàsá mùn ke nlim. ¹²À si leñkàm le ðwum bye yili be ðwon mbyi Mvènnswàb wě tà she Mvènnswàb yili ntwi' se à bi bæti lè Yesù Kristò, be ye bon vènè' yennzi. ¹³Son, ti lè ðwum byibbɔa lè mè ci-mpòka' ðwum, be ye yæki ðuòn mbyí ke byebbi nun. Be ye ðwùlu pòkea, be pòka' tì ku' bon ne'. ¹⁴Son, ti lè wù, ðyi kimmi ke ywum ye wù yuseá nun, yon ye wù tá

zwùm tɛli lɛ yon, ntwi' sɛ wù limmi pa' ɓwum ɓɛ ɓɛ wù ywum màzwùm lisea. ¹⁵ Ñdìkà' mwô' swù, wù limme mè ñgɔ' nshanmea. Mè ñgɔ' màzwùm woli ɓɛ fɛ wù ñlimmi kɛ mbyi nyɛ wù yɛ ɗwon nun, Mvènnswàb swàti wù kɛ nyɛ yɛ wù ɗyilá ñlim kɛ nywi Yesù Kristò. ¹⁶ Ywum yɛ ɓɛ kɔ' kɛ ɗèwǎ Mvènnswàb nun hwæn, M̀pùn Mvènnswàb nɛ fɛ ɓon ñlimmi ñkɔ' màzwùm. Ñgɔ' màzwùm ta kpa' lè ñlisà' ywum lɛɲkàem. Yɛ wesi ɓwi' kwan sɛ ɓwi' ta ɓyebbi cí. Yɛ ɗyili ɓwi' kɛ mbyi nɔwɛn nun, yɛ konndi ɓwi' m̀bòki kwù kèn she lwen lisea. ¹⁷ Ywum hwæn li, mè ñgɔ' yɛ ta ci, ɓǎ mwum Mvènnswàb cinni kon, à wòli kim à ci mè pa' mè she nɔwueka kyiki.

4 ¹ M̀n swula' wù kɛ swi' Mvènnswàb lè kɛ swi' Yesù Kristò, nun nɛ yɛ ɓwum ɓyɛ kɛ lè mɛ', lè ɓyɛ ywiâ nun mè kà' lànzi, nun nɛ yɛ ku' kòndi ɓèn ɓǎ nun sa' lwun. M̀n tà wu swulea kɛ swi' shan lɛ: ² Kpæm mɛ' lè ñshɛ lɛ' Nswàb, wù ɲati ñzà' lɛ' màzwùm kwo fɛ' yǎ kwan. Wù wesi ɓwum ɓyɛ ta ɓyebbi cí, wù lɛb ɓon ndɛb, wù kimzi ɓon zwum, wù ɓɛ ci-m̀bæn nlim kwan sɛ wù tǎ ɓwum ywum lisea. ³ Ntwi' sɛ kwan ndɔ' yɛ ɓèn, she ɓwum ɓa tí ñlisà' ywum yɛ ɗyi lɛɲkàem ywɔti, son, ɓɛ yɛ fyòn mè ñlisà' mɛ ci-mɛ m̀wè' kàbbi cìci hwæn. Ñlim yɛ ɓon su' ɗyi kɛ nzǎ' lɛ' myimɛa yɛ ɓɛ yɛ ɓon shɛ nun. ⁴ ɓɛ ɓa tí mwù kɛ kɛ lɛɲkàem nun, son, ɓɛ yɛ su' mè ɲjè nyɛ ɗɗɗɗɗɗ ndɔ' yili. ⁵ Son, ti lè wù, ɓɛ ci-m̀bæn nlim kɛ ywum hwæn nun, wù fyimzi yì vènè', wù kpæm mɛ' lè ñshɛ Ntwum Lwen, wù lwinnzi mwù she ywù lwen.

⁶ Ti lè m̀n, kwan ywi shêm ti kwukwâ'. M̀n ti jenɛ wɛ sàtikà' she ɓɛ ɓsà ɓǎ ɓɛ fɛ. ⁷ M̀n ciâ she wɛ mwum nɛ tǎ twù' ɗwí kɛ nlimmi nun, m̀n m̀lǎ mèli ɓyɛm, m̀n ɗyi tì kimmi kɛ mbyi Mvènnswàb nun. ⁸ ɓɛ lwæsà m̀n ɗàsì nyɛm jenɛ kɛ ɗɛb, ɗàsì nyɛ ɓɛ ta fɛ lè ɓwum ɓyɛ ta ywum cí kɛ mbyi nun. Nyeli nyɛ' Mvènnswàb ni ci-nlin mɛ kà' kɛ mbyi nun, nun nɛ yɛ m̀n ɗàsì màzwùm fɛ kɛ ɲyìn m̀lòkà' nun. À ɓǎ su' nun fɛ lè m̀n, m̀n kyishêm, à yɛ tì ku' nun fɛ lè ɓwum hwæn ɓyɛ ta ɲyìn nɛ nun yɛ fyònni ɓòɲgea lè ñdàli.

Ñyili yɛ Pǎl yili lɛ Tìmôtê ɓɛn kɛ ci shon

⁹ Kpæmmi mɛ', wù kìn m̀n cinni m̀byimmi. ¹⁰ Demà nzwonnzà m̀n ntwi' sɛ ywum ɲyɔ' wan ta nun yon. Li, à kènnà kɛ Tèsalònìkà. Krèsân, làn nyon, kènnà kɛ Gálàsì, Títè ku' kèn tì ku' kɛ Dàlmàsì. ¹¹ Lukasi nɛ ɓwi' suku' fɛ ɓwi' lè nun. Kwan sɛ wù ywime kìn, tweli Markù fya', ntwi' sɛ à tǎ m̀n kpea lè she. ¹² M̀n fyiâ Tìshì' kɛ Èfèzè. ¹³ Kwan sɛ wù yɛ kìn, wù fyi kɛ Tròàsè, ɗwon Kàlipusi, wù shì m̀n plè m̀bɛb nyɛm nɛ m̀n donnzɛ kɛ fya' yon. Wù shì tì ku' m̀n yì ɗèwà, a lan lɔ' ɗyɛ yɛ ɓɛ cie lè kwæ' mɛ nyàm yi. ¹⁴ Kyilea-ɲgwùb nɛ ɓɛ ta lon lɛ Àlèzàndrè ciâ m̀n ɓyebbi ñzwɔnzwò', son, Nyeli nyɛ' Mvènnswàb yɛ nun ɗɛbbi she nyon fɛɔ' m̀byì. ¹⁵ Wù ku', konni lè nun, ntwi' sɛ nun nyenà ñzwɔnzwò' lè ñzǎ' lɛ' yɛ ɓwi'

ta shè hwæn. ¹⁶Kàmmì zwimbyi' se mún sete dyi ke swi' mē kàè', kwo fè' mwum m̀bɔ' ndɔ' kien kǎn mun ñgìm dyi. 'Bon hwæn, fɛ nzwonnze mún. 'Ba kì M̀vènnswàb nyeni lè bon. ¹⁷Son, Nyeli nye' M̀vènnswàb nun ne' kien mún kpea, à kimnzi mún ɓǎ mún sannzi Ñtwum Lwen seansean. Li, ɓwum fɛ ɓe kwe bye ɓa m̀è Yudà ywæ yon. Nyeli nye' M̀vènnswàb nywæsà mún ke ñwum gbê̄m. ¹⁸Mún limmi tì ku' lwen le à yè mún nywæsi ke byebbi nyě ðin ndɔ' nun, li, à yè mún swæti ɓǎ mún ðun ke ðɛb ke ywɔ' shon nun. 'Bwi' fèèni nun ñtwu kwan hwæn. **Àmèn.**

M̀mlòkà' nzæ' le'

¹⁹Hwæsi mún Plisikà bon lè Àkyilâ. Hwæsi tì ku' mún ɓwum Ònèsifò. ²⁰Èlàsità lwæbbe ɓe ke Kòrên. Tì lè Tròfim, mún donnzi nun ñgwèñgwèñ ke Milê. ²¹'Bɔli lɔ', wù kìn ɓèn fɛ lè kwan m̀bɛb ðunmi kife'. M̀è Èbùlù, Pùdên, Linusi, lè Klòdià ta wu hwæsi, kòndi lè ɓwum M̀vènnswàb bye fɔ'. ²²Nyeli nye' Yesù bon wù kwan hwæn. M̀vènnswàb ñgænni byin, byin hwæn.